

Ժողովուրդ

142
(2808)

11 հոկտեմբերի չորեքշաբթի 2023
տպագրության ԺԲ տարի

Թ. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ԻՆՉ Է ՄՊԱՍՎՈՒՄ ԲԱՂԱՔԱՊԵՏԱՐԱՆՈՒՄ





Չնայած որ սեպտեմբերի 17-ին կայացած ընտրությունների արդյունքներով իշխանության թեկնածուն՝ Տիգրան Ավինյանը, ընդամենը 33% ձայն էր հավաքել և չէր ընտրվել քաղաքապետ, երեկ ավագանու ՔՊ և «Հանրապետություն» կուսակցությունների ձայներով Ավինյան ընտրվեց քաղաքապետ: «Հանրային ձայն» կուսակցությունը եկավ և ընտրվեց ավագանու քաղաքապետ, բայց դեմ էր քվեարկել Տիգրան Ավինյանի թեկնածությանը: «Երեւան քաղաքում տեղական ինքնակառավարման մասին» օրենքի 47-րդ հոդվածի համաձայն՝ քաղաքապետն իր լիազորությունները ստանձնում է ընտրվելուց հետո՝ երրորդ օրացուցային օրը, ավագանու՝ օրենքի ուժով հրավիրված նիստում Երեւանի բնակիչներին տրված երդմամբ: Երեւանի ավագանու հաջորդ նիստը կկայանա նոյեմբերի 21-ին՝ ժամը 10:00-ին: Երեկվա նիստին նաեւ հանձնաժողովների նախագահներ և փոխնախագահներ նշանակվեցին: «Հանրապետություն»-ը ստացավ Ֆինանսավարկային և տնտեսական հարցերի մշտական հանձնաժողովի նախագահի և Մշակույթի, կրթության և սոցիալական հարցերի մշտական հանձնաժողովի նախագահի տեղակալի պաշտոնները, «Հանրային ձայն»-ը՝ միայն Քաղաքաշինության և հողօգտագործման հարցերի մշտական հանձնաժողովի նախագահի տեղակալի պաշտոնը, մյուս բոլոր պաշտոնները ՔՊ-ին են: Այսպիսով, բաց է մնում միայն Տիգրան Ավինյանի տեղակալների՝ փոխքաղաքապետի հարցը, որը կքննարկվի արտահերթ նիստով կամ էլ նոյեմբերի 21-ի հերթական նիստին: Ըստ «Երեւան քաղաքում տեղական ինքնակառավարման մասին» օրենքի՝ քաղաքապետի տեղակալներին ներկայացնում է քաղաքապետը, նշանակում կամ ընտրում է Երեւանի ավագանին: «Ժողովուրդ» օրաթերթի տեղեկություններով՝ փոխքաղաքապետի պաշտոնին հավակնում են քաղաքապետի ԺՊ Լեւոն Զովհաննիսյանը, որը Ավինյանի մտերիմն է քաղաքապետարանում, մյուս փոխքաղաքապետի հարցն էլ դեռ վարդուց է որոշված: Այս պաշտոնում կնշանակվի Արմեն Փամբուխյանը, որը քաղաքապետարանում Փաշինյանի «աջն ու ականջն է»: Ի դեպ, Փամբուխյանը «գործազուրկ» է դեռ հունիսի 30-ից՝ ՄԻ նախարարության լուծարումից հետո: Փաշինյանն էլ երկար փնտրտուքներից հետո նրա համար դեռ վարդուց պահել է փոխքաղաքապետի պաշտոնը: Փոխքաղաքապետներից մեկն էլ պետք է բաժին հասնի «Հանրապետություն» կուսակցությանը: Այս պահին թե՛ քննարկումներ են գնում կուսակցության ներսում Արտակ Զեյնալյանի և Անի Խաչատրյանի թեկնածությունների շուրջ: ՔՊ-ն այդ պաշտոնը տալու է Արամ Սարգսյանի ղեկավարած ուժին, իսկ թե ում կառաջադրեն՝ Զեյնալյանին, թե Անի Խաչատրյանին, «Հանրապետություն»-ը դեռ որոշում չունի:

Արցախի Հանրապետությունից բռնի տեղահանված հայերի հոսքն ավարտված է: Ավելի քան 100 հազար տեղահանվածներից մոտ 54 հազարը շարունակում են գտնվել պետության կողմից տրամադրված կացարաններում: Այս մասին, «Ժողովուրդ» օրաթերթի հարցմանն ի պատասխան, տեղեկացնում է փոխվարչապետ Տիգրան Խաչատրյանը: Ինչպե՞ս են տեղի ունենալու Արցախից բռնի տեղափոխված մեր հայրենակիցներին նյութական փոխհատուցումները: Մասնավորապես, շատ շատերը ունեցել են Արցախում ընտանի կենդանիներ (կով, խոզ և այլն), որոնք եղել են իրենց ապրուստի միակ միջոցը, եւ այսօր Հայաստանում փաստացի ոչինչ չունեն: Ի՞նչ է առաջարկում կառավարությունը. «ՀՀ կառավարությունը Լեռնային Ղարաբաղից բռնի տեղահանվածների կարիքները հասցեագրելու նպատակով արդեն իսկ նախաձեռնել է աջակցության ծրագրեր՝ օրենքով սահմանված կարգով, ՀՀ պետական բյուջեի միջոցների հաշվին: Մասնավորապես, արդեն իսկ հաստատվել է ԼՂ-ից բռնի տեղահանված անձանց հրատապ կարիքները հոգալու նպատակով պետության կողմից յուրաքանչյուրին 100.000 դրամ միանվագ աջակցություն տրամադրելու վերաբերյալ ծրագիրը, որի շրջանակներում նախատեսվող փոխհատուցումների իրականացումն արդեն մեկնարկել է»: Փոխվարչապետը տեղեկացնում է նաեւ, որ առաջիկայում նախատեսվում է բնակության ծախսերը հոգալու համար մեկ անձի հաշվով հատկացնել 40000 եւ կրումնալ ծախսերի համար հավելյալ 10000 դրամ: Ի վերջո, անդրադառնալով մեր բուն հարցին՝ Խաչատրյանը տեղեկացնում է, որ կարիքների գնահատման գործընթացի ավարտից հետո, ըստ անհրաժեշտության, նաեւ աջակցության նոր ծրագրեր կդիտարկվեն գյուղատնտեսության ոլորտում գործունեության համար: Թե՛ «ըստ անհրաժեշտության» արտահայտության տակ ինչ կա թաքնված, ու ինչպես դա կորոշվի, անհայտ է: Նույն անորոշ պատասխանը տրվում է՝ կապված բնակարանային ապահովման հետ: Արդյոք արցախահայությանը հետագայում հատկացվելու են բնակարաններ, տներ, ինչպես հայտնի ժամանակներում էր, թե՛, ինչպես ՀՀ մնացած քաղաքացիները, նրանք եւս իրենց արդար ջրտիրներով մեկ անգամ էլ պետք է «տուն դնեն»: Փոխվարչապետը վաղվա ծրագրերից խոսել խոսափում է՝ կարծես ակնարկելով՝ կապրենք, կտեսնենք. «Մինչ այս Կառավարության գործողություններն ուղղված են եղել բռնի տեղահանվածների հրատապ և միջնաժամկետ կարիքներին արագ արձագանքմանը՝ զուգահեռաբար դիտարկելով նաեւ հնարավոր երկարաժամկետ անելիքների վերաբերյալ հիմնական մոտեցումները: Երկարաժամկետ աջակցության ծրագրերի հիմնական ուղղությունների վերաբերյալ որոշումները կկայացվեն եւ հակրոթյանը կներկայացվեն Լեռնային Ղարաբաղից բռնի տեղահանված անձանց համապարփակ կարիքների գնահատման ավարտելուց հետո»:

«Ժողովուրդ» օրաթերթի տեղեկություններով՝ ընդդիմադիր «Հայաստան» և «Պատիվ ունեն» խմբակցությունները Մրցակցության պաշտպանության հանձնաժողովի անդամի թեկնածու են պատրաստվում առաջադրել ՀՀ քաղաքացիական ծառայության խորհրդի նախկին նախագահ Մանվել Բաղայանին: Նախորդ անգամ սեպտեմբերի 12-ին, իշխող մեծամասնությունը տապալեց ընդդիմության թեկնածուի ընտրությունը. 107 պատգամավորից քվեարկությանը մասնակցել էին ընդդիմադիր 33 պատգամավորներ, իսկ իշխող ֆրակցիայի պատգամավորներն առհասարակ չէին եկել քվեարկության, ինչի պատճառով Անահիտ Սարգսյանի թեկնածությունը խորհրդարանը չէր հաստատել: Մեր տեղեկություններով՝ ընդդիմադիր խմբակցությունները որոշել են կրկին փորձել ու այդ պաշտոնում նոր թեկնածու առաջադրել: Թեկնածուի առաջադրման ժամկետը մինչև ամսի 12-ն է, ընդդիմադիրները վաղը կներկայացնեն նրա թեկնածությունը ԱԺ, իսկ ԱԺ առաջիկա նիստին արդեն կքննարկվի Մանվել Բաղայանի թեկնածության հարցը: Թե ինչու կանգ առան հենց Մանվել Բաղայանի թեկնածության վրա՝ հաշվի առնելով, որ ՔՊ-ն նախորդ անգամ տապալեց ընդդիմության թեկնածուի ընտրությունը, եւ թե հիմա ինչ ակնկալիքով են նոր թեկնածու առաջադրում, «Հայաստան» խմբակցության քարտուղար Արմվիկ Մինասյանը պատասխանեց. «Սահմանադրությամբ եւ օրենքով սահմանված մեր լիազորությունն է ներկայացնել թեկնածու, մենք ներկայացնում ենք արժանապատիվ, իսկ թե ինչ կանի իշխանությունը, չեն կարող ասել: Մյուս բոլոր հարցերի պատասխաններն արդեն ԱԺ նիստին կինչեն»:

Երեւանի նախկին քաղաքապետ, ՀՀ պաշտպանության փոխնախարար Հրաչյա Սարգսյանը պարտվել է Առաջին առյուծի դատարանում ԱԺ «Հայաստան» խմբակցության պատգամավոր Իշխան Սողաթյանի դեմ ներկայացրած գործով: Հայտնի է, որ 2022 թվականի սեպտեմբերի 1-ին Հրաչյա Սարգսյանը դիմել էր Վարչական դատարան՝ ԱԺ պատգամավոր Իշխան Սողաթյանին Վարչական իրավախախտումների վերաբերյալ ՀՀ օրենսգրքի 180.1-ին հոդվածի 1-ին մասով նախատեսված վարչական իրավախախտում կատարելու համար վարչական պատասխանատվության ենթարկելու պահանջով: ՀՀ օրենսգրքի 180.1-ի հոդվածի 1-ին մասով վարչական իրավախախտում է համարվում առանց համայնքի ղեկավարին օրենքով սահմանված կարգով իրազեկելու կամ իրազեկման պայմանների խախտումով հավաք անցկացնելը, որն առաջացնում է տուգանքի նշանակումը կամ վաճառվող կազմակերպչի կամ ղեկավարի նկատմամբ՝ սահմանված նվազագույն աշխատավարձի հարյուրապատիկից մինչև երեքարյուրապատիկի չափով: Արդյունքում Վարչական դատարանը, շուրջ 1 տարի քննելով գործը, որոշել է մերժել նախկին քաղաքապետ, ներկայիս փոխնախարար Հրաչյա Սարգսյանի հայցը: Նկատելի է, որ Երեւանի քաղաքապետարանում լուրջ են տրամադրված եւ որոշումը բողոքարկել են ՀՀ վերաքննիչ դատարանում, որտեղ նիստերը շարունակվում են: Տեսնենք, թե ինչ կստացվի այս դեպքում:



ՔԱՂԱՔԱԿԱՆ

ԶՐՈՒՅՑ

ՄԱՐՈՒԹՅԱՆԸ ՎԵՐՑՐԵԼ Է ՄԱՆԴԱՏԸ. ՄՊԱՍԵԼԻՔՆԵՐ

Չնայած որ սեղսեմբերի 17-ին կայացած ընտրությունների արդյունքներով իշխանության թեկնածուն՝ Տիգրան Ավինյանը, ընդամենը 33% ձայն էր հավաքել...



մեջ չեղավ համաձայնություն, մեզ մյուս էր բոլորը միայն:

-Պարոն Գրիգորյան, նրանք էլ ասում են, որ Հայկ Մարությանը տապալեց բանակցությունները, եւ նրա պատճառով է, որ ընդդիմադիր ուժերի մեջ համաձայնություն այդպես էլ ձեռք չբերվեց:

-Դա այդքան էլ այդպես չի. սա մեկնաբանության կարիք չունի: Դուք տեսել եք, թե իրենք ինչ են առաջարկել, մենք ինչ ենք պատասխանել: Առնվազն 4 կամ 5 անգամ հանրային ձեռով դա արվել է: Հիմա էլ հետ գնալ պետք չի, փաստացի չի հաջողվել համաձայնության գալ, ու եղել է այս վիճակը:

-Ավագանու հաջորդ նիստը նույններին է նշանակված, գնալու՞ եք, մասնակցելու՞ եք ավագանու նիստերին:

-Իհարկե, գալու ենք, մասնակցելու ենք նիստերին:

-Հայկ Մարությանն ի՞նչ որոշում ունի, վերցնելու՞ է մանդատը, աշխատելու՞ է Տիգրան Ավինյանի հետ:

-Այս պահի դրությամբ վերցրել է մանդատն արդեն, ավագանու այսօրվա նիստին հրապարակվեց ավագանու անդամների անունները, այդ թվում՝ նրա: Այս պահի դրությամբ, իսկ թե հետո ինչ կլինի, որոշում կփոխի, թե ոչ, ես չեմ կարող ասել: Զրույցը ԶԻՄՍՆԱ ՍՈՒՇԵՂՅԱՆԸ

ՀԱՐԱԲԵՐՈՒԹՅՈՒՆՆԵՐ ԴԱՏՎԻՐԱԿՈՒԹՅՈՒՆԸ ԶԵԽԻԱՅՈՒՄ

Զեխիայի Հանրապետության Սենատի առաջին փոխնախագահ Յիրժի Դրահոշի հրավերով՝ Հայաստանի Հանրապետության ազգային ժողովի նախագահի տեղակալ Հակոբ Արշակյանի գլխավորած պատվիրակությունը հոկտեմբերի 8-10-ն աշխատանքային այցով գտնվում էր Պրահայում:

«Ժողովուրդ» օրաթերթին ՀՀ ԱԺ-ից հայտնում են, որ հոկտեմբերի 9-ին Հակոբ Արշակյանի գլխավորած պատվիրակության ընդունել է Զեխիայի Հանրապետության խորհրդարանի Սենատի նախագահ Միլոշ Վիստրչիլը:

Հակոբ Արշակյանը ներկայացրել է սեպտեմբերի 19-ին Լեռնային Ղարաբաղի դեմ Արդրեջանի կողմից ռազմական հարձակման հետեւանքով ստեղծված իրավիճակը, որը հանգեցրել է ԼՂ հայ բնակչության էթնիկ զտման:

Անդրադարձ է կատարվել Արդրեջանի կողմից Հայաստանի տարածքային ամբողջականության դեմ տարվող ագրեսիվ քաղաքականությանը, որի հետեւանքով օկուպացվել է Հայաստանի շուրջ 150 քառակուսի կմ տարածք:

«Խաղաղության օրակարգը մեր տարածաշրջանում այլընտրանք չունի. մենք որդեգրել ենք խաղաղության եւ ժողովրդավարության ուղին, հաստատական ենք մեր ընտրության մեջ եւ ակնկալում ենք միջազգային գործընկերների աջակցությունը»,- նշել է ՀՀ ԱԺ նախագահի տեղակալը: Նշենք, որ անդրադարձ է եղել

նաեւ Լեռնային Ղարաբաղից բռնի տեղահանվածներին պատշաճ աջակցության ցուցաբերման եւ այդ ուղղությամբ միջազգային գործընկերների հետ աշխատանքներին: Հակոբ Արշակյանը շնորհակալություն է հայտնել Զեխիայի կառավարությանը ցուցաբերած հումանիտար օգնության համար:

Զեխիայի Հանրապետության Սենատի նախագահ Միլոշ Վիստրչիլը որոշում է օրերս Եվրախորհրդարանի կողմից ընդունված բանաձեւը, որը դատապարտում է Լեռնային Ղարաբաղի նկատմամբ Արդրեջանի գնդակահարման գործողությունները: Սենատի նախագահն աջակցություն է հայտնել Հայաստանի տարածքային ամբողջականությանը, ինքնիշխանությանը եւ ժողովրդավարությանը:

Հավելենք, որ պատվիրակության կազմում ընդգրկված են ՀՀ ԱԺ եվրոպական ինտեգրման հարցերի մշտական հանձնաժողովի նախագահ Արման Եղոյանը եւ ՀՀ ԱԺ Հայաստան-Զեխիա բարեկամական խմբի անդամ Հասմիկ Հակոբյանը:

ԱԶԱՏԵԼ ԵՆ ԴԱՏԱԿԱՆ ՀԱՄԱԿԱՐԳԻՑ

Դատական համակարգում խոսակցություններ կան, որ ՀՀ վերաքննիչ քրեական դատարանի դատավոր Միեր Արդամանյանը ներգրավված է քաղաքական իշխանություններից, քանի որ իր դատավոր որդուն՝ Դավիթ Արդամանյանին, ազատեցին

դատական համակարգից, ուստի նա Բոբերտ Քոչարյանի որդու՝ Լեւոն Քոչարյանի մասով անկանխատեսելի որոշում կկայացնի: Մասնավորապես, ըստ դատական համակարգում տարածված լուրերի՝ չի բացառվում, որ նա բեկանի Առաջին ատյանի դատարանի որոշումը եւ տնային կալանքի տանի կամ էլ գրավ կիրառի Լեւոն Քոչարյանի նկատմամբ: Նշենք, որ Հանրապետության հրապարակում տեղի ունեցած բողոքի ակցիայի ժամանակ Լեւոն Քոչարյանին, բռնություն կիրառելով, բերման էին ենթարկել, ապա նրան տեղափոխել էին հիվանդանոց, որտեղից էլ՝ ձերբակալել: Փաստաբան Ալեքսանդր Կոչուբայի հաղորդմամբ՝ ոստիկանները հաղորդում են ներկայացրել, որ Լ. Քոչարյանը 4 կարմիրբերետավորի է ծեծել: Լեւոն Քոչարյանը սեպտեմբերի 25-ին 1 ամսով կալանավորվել է, եւ նրա պաշտպանները դիմել էին ՀՀ վերաքննիչ դատարան, որտեղ գործը մակագրվել է իշխանությունների սրտով որոշում կայացրած դատավոր Միեր Արդամանյանին: Նշենք, որ Արդամանյանի որդին՝ Դավիթ Արդամանյանը, 2018 թվականի նոյեմբերի 24-ին, երբ Նիկոլ Փաշինյանը նախընտրական երթ էր անում Երեւանում, ոչ ավել, ոչ պակաս, հայտնի «դըմի դըմի հու»-ի թմբուկն էր զարկում: Դրանից հետո նշանակվեց ՀՀ տարածքային կառավարման եւ ենթակառուցվածքների նախարարի օգնական: 2021 թվականին էլ նշանակեցին բոլորին հայտնի՝ կալանք տվող դատարանի դատավոր, ինչից հետո վերոնշյալ դատարանը լուծարվեց, իսկ դատավորները հեռացվեցին համակարգից:



ԲՅՈՒՋԵՐ ՀԱՏԿԱՑՈՒՄՆԵՐԸ

Հայաստանի Հանրապետության էլեկտրոնային կառավարման համակարգում կարող էք տեսնել Հայաստանի 2023 թվականի բյուջեի հատկացումները: Ըստ ինտերակտիվ բյուջեի պատկերի՝ տարեկան ոլորտային հատկացված բյուջեն կազմում է 2 մլրդ 556 մլն 572 հազար 569 դրամ: Ըստ գրաֆիկական պատկերների՝ կարող ենք տեսնել, որ ամենաշատ հատկացումներ ստացած ոլորտը սոցիալական պաշտպանության ոլորտն է, երկրորդ տեղում պաշտպանությունն է՝ 520 մլն 520 հազար դրամ: Երրորդ տեղում 513 մլն 787 հազար դրամ ընդհանուր բնույթի ծառայություններին է տրամադրված, որի մեջ մտնում են օրենսդիր եւ գործադիր մարմինները, պետական կառավարումը, ֆինանսական եւ հարկաբյուջետային հարաբերությունները, արտաքին հարաբերությունները, Կառավարության տարբեր մակարդակների միջեւ իրականացվող ընդհանուր բնույթի տրանսֆերտներին տրամադրվող ֆինանսական միջոցները նաեւ նմանատիպ ընդհանուր բնույթի հանրային ծառայությունների գծով հետազոտական եւ նախագծային աշխատանքների համար տրամադրված հատկացումները: Զորքերը տեղում, ըստ «Ժողովուրդ» օրաթերթի ուսումնասիրությունների, տնտեսական հարաբերությունների համար հատկացումներն են՝ 239 մլն դրամ, եւ միայն հինգերորդ տեղում կրթության ոլորտի հատկացումներն են՝ 211 մլն դրամ: Համեմատության համար կարող ենք ասել, որ Կրաստանի կրթության եւ գիտության նախարարության բյուջեն 2024 թվականի համար նախատեսել է 2,340 միլիարդ լարի՝ 348 միլիոն դրամ: Ըստ հրապարակված մյուս տվյալների՝ հատկացումների քանակով առաջին տեղում կրթության եւ գիտության ոլորտն է: Հայաստանում կրթության ոլորտն այնքան է աչքաթող արվել, որ այս տարի ԿԳՄՍ ծախսողված միջոցներից հետո երեխաներին չհանձնվեցին իբրեւ տպագրվող ռուսերենի դասագրքերը: Դրանք այս տարի չեն էլ լինելու: Կրթության ոլորտը միայն որպես ֆինանսական միջոցներ ստանալու աղբյուր օգտագործելու պատճառով էլ այսօր պատմություն ունեցող համալսարանների շենքերը փորձում են վաճառել: Գրեթե ոչ մի էական բարեփոխումներ չեն արվել այս ոլորտում, որի հետեւանքով այսօր ունենք կրթություն չզնախատող իշխանություն: Խնամի-ծանոթ-բարեկամ սկզբունքով աշխատանքի են ընդունվում դասախոսներ եւ ուսուցիչներ, որոնք այդ ոլորտի համապատասխան կրթություն չունեն: Հայաստանում չի գնահատվում գիտությունը, ինչի պատճառով Հայաստանում նվազել է գիտական աշխատությունների քանակը, պակասել է նաեւ գիտական աստիճան ունեցողների թիվը եւ աստիճան ստանալ ցանկացողների թիվը: Դպրոցներում ուսուցիչներին ատեստավորում են՝ խոստումով, որ աշխատավարձի տոկոսային բարձրացում կլինի, սակայն այդպես էլ ոչինչ չի լինում: Ուսուցիչներին գովում ու խրախուսում են միայն խոսքերով, սակայն նրանք աշխատանքին համապատասխան չեն վարձատրվում: Չինաստանում ուսուցիչները ստանում են ամենաբարձր աշխատավարձը, եւ տեսաբանները փաստում են, որ այդ որոշումից հետո բարձրացել է ուսանողների եւ աշակերտների ուսման որակը եւ ուսուցիչների աշխատանքի արդյունավետությունը: Նրանք կարծում են, որ այս որոշումը երկրի տնտեսության զարգացմանը եւս նպաստել է: Հայաստանում ուսուցիչը ստանում է ամենացածր աշխատավարձից մի քայլ բարձր աշխատավարձ, իսկ ՀՀ կառավարությունը բարձրացնում է իր սրտի որոշումներ կայացնող դատավորների աշխատավարձը:

ՃՇՏՈՒՄՆԵՐ

ԻՆՉ ՊԱՇՏՈՆ ԿՈՒՆԵՆԱ «ՀԱՆՐԱՊԵՏՈՒԹՅՈՒՆ»-Ը

ԽՈՐՀՐԳԱՐԱՆԻ ԶԱԿԱՏԱԳԻՐԸ

Քաղաքական գործիչ Սուրեն Պետրոսյանը, որը սեպտեմբերին կայացած ավագանու ընտրություններին հանդիսանում էր «Ժողովրդավարական համախմբում» կուսակցության քաղաքապետի թեկնածուն, երեկ հրավիրել էր մամուլի ասուլիս՝ «Արցախի Հանրապետության լուծարումը հակասահմանադրական է, Արցախի նկատմամբ մեր իրավունքների ամրագրումը՝ որպես քաղաքական առաջնային օրակարգ» թեմայով:

Սուրեն Պետրոսյանն ասուլիսի ժամանակ նշեց, որ այս նախաձեռնությունը կապ չունի իր կուսակցական գործունեության հետ: Սուրեն Պետրոսյանի այս նախաձեռնությանը սատարում էր նաև ԵՊՀ Իրավագիտության ֆակուլտետի Սահմանադրական իրավունքի ամբիոնի վարիչ Վարդան Ավագյանը:

Հանդիպման ընթացքում քննարկվեցին Արցախի հայկականության երաշխավորման իրավաքաղաքական հիմքերը և Արցախի նկատմամբ մեր իրավունքների ամրագրման ուղղությամբ հետագա քայլերը:

Ըստ Պետրոսյանի՝ քայլերից գլխավորն Արցախի սահմանադրական կարգի վերականգնման ուղղված քննարկումն է, պետք է նախաձեռնել եւ վերականգնել Արցախի լուծարված խորհրդարանը: Հարցին, թե այս թեմայով որտե՞ս քննարկում ունեցել են արդյոք Արցախի խորհրդարանի պատգամավորների հետ, Պետրոսյանը պատասխանեց. «Մենք նպատակահարմար չենք գտել, քանի որ վստահ ենք, որ նրանցից ոչ ոք չի կարող անհամաձայնություն տալ: Հետագայում նախատեսում են ստեղծել տեղեկատվական շտաբ, որը համախմբմանը կօգնի: Քանի որ իշխանությունը Արցախի հարցում ձեռքերը վկացել է, այդ պատճառով նախաձեռնել ենք այս գործողությունը»:

ԷՄՍԱ ՄԻՔԱՅԵԼՅԱՆ

ԶԱՆՍԱՐՈՎԱՆ ԱՆԴՐԱԳԱՐՉԱՎ

Ռուսաստանի Դաշնության ԱԳՆ պաշտոնական ներկայացուցիչ Մարիա Զախարովան Իսրայելում բնակություն հաստատած ռուսներին անվանել է «վախեցած հայրենասերներ»:

«Ռուսաստանում հատուկ ռազմական գործողության մեկնարկից հետո Իսրայել մեկնած ռուսները «վախեցած հայրենասերներ» են: Աշխարհը հետևում է լիբերալ սկզբունքայինության ճկունությանը: «Վախեցած հայրենասերները» իրենց կոչումը հաստատեցին՝ նորից վախենալով եւ լքելով իրենց նոր հայրենիքները: Աշխարհը լայն բաց աչքերով է դիտում ազատական սկզբունքների ճկունությունը», - գրել է Մարիա Զախարովան տեղեկարամյան իր ալիքում:

Վերջում Ռուսաստանի Դաշնության ԱԳՆ պաշտոնական ներկայացուցիչը հավելել է, որ նախկինում հյուսիսարևելյան ռազմական շրջանի եւ մոբիլիզացիայի պատճառով Իսրայել փախած ռուսները խոսում էին պաղեստինյան «ՀԱՄԱՍ» խմբավորման հարձակումների մասին:

«Քաղաքացիական դաշմանագիր» եւ «Հանրապետություն» կուսակցությունները որոշել են կնքել հուշագիր՝ հազվի առնելով Երեւանում սեպտեմբերի 17-ին սեղի ունեցած ընտրությունների արդյունքները: Այս մասին երեկ՝ հոկտեմբերի 10-ին՝ մամուլի ասուլիսին, հայտարարեց Երեւանի քաղաքացիական ընտրված Տիգրան Ավինյանը:

«Երեւանի ավագանու ԶՊ եւ «Հանրապետություն» խմբակցությունները, ՀՀ ինքնիշխանությունը, Ժողովրդավարությունը եւ անվտանգությունը համարելով գերագույն արժեքներ եւ նպատակ ունենալով Երեւան քաղաքը դարձնել եվրոպական մոդելի, մարդկանց համար հարմար եւ հասանելի քաղաք, կյանքի կոչել «Հանրապետություն» եւ «Քաղաքացիական պայմանագիր» կուսակցությունների նախընտրական ծրագրերը, որոշեցին սկսել համագործակցություն՝ ի նպաստ Երեւանի զարգացման եւ երեւանցիների բարօրության», - ասաց նա:

Ավինյանը նշեց, որ Երեւանի կառավարումն իրականացնելու են միասին՝ պատասխանատվությունը կիսելով:

Այս խոսքերից հետո Տիգրան Ավինյանը եւ Երեւանի ավագանիում «Հանրապետություն» խմբակցության ղեկավար Արտակ Զեյնալյանը ստորագրեցին հուշագիրը:

«Հանրապետություն» կուսակցության հետ ստորագրված այս հուշագիրը նշանակում է, որ Երեւան քաղաքի կառավարումը ԶՊ եւ «Հանրապետություն» խմբակցությունները իրականացնելու են միասին, ինչը նշանակում է, որ գործադիրում նշանակումները եւս իրականացվելու են միասին եւ փոխհամաձայնեցված: Կառավարումն իրականացնելու են այս երկու խմբակցությունները միասին: Այս մասին հայտարարեց Տիգրան Ավինյանը՝ անդրադառնալով հարցին, թե արդյոք դա նշանակում է, որ պաշտոններ են տրվելու «Հանրապետություն» կուսակցությանը, եւ արդյոք սա էր այն գինը, որը



պետք է վճարեին համագործակցության համար:

Ճշտող հարցին, թե արդյոք «Հանրապետություն» կուսակցությանը բաժին է հասնելու փոխքաղաքապետի պաշտոնը, Ավինյանն ասաց. «Բոլոր այդ մանրամասները ամեն նիստի հետ հայտնի կդառնան: Մեր ներքին քննարկումների արդյունքում կներկայացնենք բոլոր պաշտոնյաներին, որոնք պետք է ստանձնեն պատասխանատվություն գործադիրում»:

Իր հերթին Երեւանի ավագանիում «Հանրապետություն» խմբակցության ղեկավար Արտակ Զեյնալյանն ասաց, որ հուշագիրը ստորագրելիս առաջնորդվել են Երեւանի, Հայաստանի շահով, Սահմանադրությամբ, Ժողովրդական, իրա-

վական պետության հիմնարար սկզբունքներով:

«Գուցե իդեալական տարբերակը չէ, սակայն իշխանություն ունենալն ավելի լավ սահմանադրական վիճակ է, քան իշխանություն չունենալը», - ասաց նա: Ինչ վերաբերում է հարցին, թե պաշտոններն էին արդյոք ԶՊ-ին աջակցելու գինը, Զեյնալյանն ասաց՝ պաշտոնը կարկանդակ չէ, ծառայություն է, ծանր աշխատանք, պատասխանատվության ստանձնում: «Եվս մեկ անգամ կրկնեմ՝ դա շնորհ, պարգև չէ՝ որտե՞ս մեկին տրված: Դա պատասխանատվության ստանձնում է: «Հանրապետություն» կուսակցությունը որոշեց ստանձնել այդ պատասխանատվությունը», - ասաց Զեյնալյանը:

ՕՐՎԱ ԽՃԱՆԿԱՐ

ՆՈՐ ՔԱՂԱՔԱՊԵՏ

Երեւանի քաղաքապետ ընտրվեց «Քաղաքացիական պայմանագիր» խմբակցության անդամ Տիգրան Ավինյանը:

«Ժողովուրդ» օրաթերթի փոխանցմամբ՝ ավագանու հոկտեմբերի 10-ի նիստին քվեարկությանը մասնակցել էր ավագանու 37 անդամ, թեկնածուին կողմ է քվեարկել 32 անդամ, դեմ՝ 5:

Տիգրան Ավինյանը քաղաքապետի միակ թեկնածուն էր:

Երեւանի նորընտիր ավագանու առաջին նիստին մասնակցում էին «Քաղաքացիական պայմանագիր», «Հանրապետություն» եւ «Հանրային ծայն» խմբակցությունները:

Երեւանի ավագանու ընտրություններն անցկացվել էին սեպտեմբերի 17-ին: Ընտրություններում մասնակից 14 քաղաքական ուժերից անցողիկ շեմը հաղթահարել է 5-ը: Անցողիկ շեմը հաղթահարած ուժերն են «Քաղաքացիական պայմանագիր» կուսակցությունը, «Ազգային առաջընթաց» կուսակցությունը, «Մայր Հայաստան» դաշինքը, «Հանրային ծայն» կուսակցությունը եւ «Հանրապետություն» կուսակցությունը: «Ազգային առաջընթաց» կուսակցությունը եւ «Մայր Հայաստան» դաշինքը բոլորովն են Երեւանի նորընտիր ավագանու առաջին նիստը:

ԺԱՄԱՆԵՑ ՀԱՅԱՍՏԱՆ

Ֆրանսիայի քաղաքացիական անվտանգության 56 զինվորական, 2 Dash ինքնաթիռ, 1 կառավարման շարժական կայան, 8 տոննա տեխնիկա եւ 2 փրկարար շուն ժամանել են Հայաստան: Հոկտեմբերի 10-ի երեկոյան դեսպան Օլիվիե Դըլոտիսիին Երեւանում դիմավորել է ֆրանսիական թիմերին:

Նրանք Հայաստանի եւ ԵՄ-ի փրկարարների հետ կմասնակցեն «HOPE 2023» վարժանքին:

Այդ մասին հայտնում են Հայաստանում Ֆրանսիայի դեսպանությունից:

Հայաստանում են նաև Կիպրոսի եւ Մոնտենեգրոյի որոնողափրկարարական թիմերը:

ՀԱՐՎԱԾՆԵՐ՝ ԳԱԶԱՅԻՆ

Իսրայելի պաշտպանության բանակը (IDF) հայտարարել է նախորդ գիշեր Գազայի հատվածում «ՀԱՄԱՍ»-ի եւ «Իսլամական ջիհադի» ավելի քան 200 օբյեկտների ուղղությամբ հասցված ավիահարվածների մասին:

Նշվում է, որ հարվածներ են հասցվել Ռիմալի եւ Խան Յունիսի օբյեկտներին: Զինվորականները պնդում են, որ այդ երկու շրջաններն օգտագործվում են որպես «ահաբեկչական հանգույցներ», զգալի թվով ահաբեկչություններ հեղափոխելու համար:

Ինչպես հաղորդում է The Times of Israel թերթը, ծանր տրանսպորտային ինքնաթիռները թռչել են եվրոպական տարբեր երկրներ՝ Իսրայել տեղափոխելու այն զինվորներին, որոնք չեն կարողացել ինքնուրույն վերադառնալ: Գործողությունն իրականացվել է Արտաքին գործերի նախարարության հետ համաձայնությամբ:

Ներքին տեղահանվածների թիվը Գազայի հատվածում աճել է մինչև 187 հազար, անօթեան մնացած առնվազն 137 հազար մարդու տեղափոխել են դպրոցական շենքեր ժամանակավոր ապրելու նպատակով, սակայն 50 հազար պաղեստինցի դեռ անօթեան են: Բուն Գազայի ապաստարանները գերբնակեցված են, իսկ խմելու ջրի մատակարարումը սահմանափակ է:

Վերջին տվյալներով՝ Իսրայելում զոհերի թիվը գերազանցել է 800-ը, ավելի քան 2200 վիրավոր կա: Իսկ Գազայի հատվածում պաղեստինցիների շրջանում կա 510 զոհ, վիրավորները 2751-ն են:

ՄԵՂԱԳՐԱՆՔ

ԾԵԾԻ ԵՆ ԵՆԹԱՐԿԵԼ ՊԱՇՏՊԱՆՆԵՐԻՆ

Ոստիկանության Էրեբունու բաժնի ղեկավար օմերաշիվ գծով ռեզիդենտ Ս. Ե.-ն, օմերաշիվ գծով ռեզիդենտ Վ.Պ.-ն և վկա Մ. Ե.-ն ծեծի են ենթարկել ձեռքարկված անչափահասի դաժանամեթոդներով: «Ժողովուրդ» օրաթերթի փոխանցմամբ՝ այս մասին հայտնում են Գլխավոր դատախազությունից՝ ներքին, որ դատախազը 2023 թվականի հոկտեմբերի 9-ին հաստատել է Ոստիկանության Էրեբունու բաժնի ղեկավար օմերաշիվ գծով ռեզիդենտի, օմերաշիվ գծով ռեզիդենտի և վկայի վերաբերյալ մեղադրական եզրակացությունն ու վարույթի նյութերի հետ հանձնել Երեւանի քաղաքի առաջին ասյանի ընդհանուր իրավասության դատարան:



Դատախազությունից հիշեցնում են, որ 2023 թվականի փետրվարի 9-ին Էրեբունի եւ Նուբարաշեն վարչական շրջանների քննչական բաժնում ձեռքարկված անչափահաս Ռ.Տ.-ի, ՆԳՆ ոստիկանության Երեւան քաղաքի վարչության Էրեբունու բաժնի քրեական հետախուզության բաժանմունքի ավագ օպերիվագոր Վ.Պ.-ի եւ տվյալ քրեական վարույթով վկա Մ.Ե.-ի մասնակցությամբ քննչական գործողության կատարման ընթացքում Ռ.Տ.-ի պաշտպան Մ.Ա.-ի վերաբերյալ հնչել են հեզակական արտահայտություններ:

կա ՆԳՆ ոստիկանության ծառայողների միջեւ վիճաբանություն է առաջացել: Վիճաբանության ընթացքում վկա Մ.Ե.-ն, Էրեբունու բաժնի պետի օպերատիվ գծով տեղակալ Ս.Ե.-ն եւ քննությամբ չպարզված ՆԳՆ ոստիկանության այլ աշխատակիցներ խմբի կազմում ձեռքբերել են ոտքերով հարվածներ են հասցրել պաշտպան Մ.Ա.-ի գլխի եւ մարմնի տարբեր հատվածներին՝ պատճառելով առողջության թեթեւ վնասի հատկանիշներ չպարունակող մարմնական վնասվածքներ:

Քննչական գործողության ավարտից հետո պաշտպան Մ.Ա.-ն վկա Մ.Ե.-ին քննիչի աշխատանքակից դուրս է հրավիրել եւ միջանցքում պարզաբանում պահանջել: Վկա Մ.Ե.-ն բաժնի միջանցքում գտնվող՝ ՆԳՆ ոստիկանության Երեւան քաղաքի վարչության Էրեբունու բաժնի պետի օպերատիվ գծով տեղակալ Ս.Ե.-ի, օպերիվագոր Վ.Պ.-ի եւ քննությամբ չպարզված այլ ծառայողների ներկայությամբ հերքել է ինչպես իր, այնպես էլ ոստիկանության մյուս աշխատակիցների կողմից Մ.Ա.-ի վերաբերյալ հեզակական արտահայտություն հնչեցնելու հանգամանքը: Դրան ի պատասխան՝ Մ.Ա.-ն սեռական բնույթի հայտարարություններ է հնչեցրել այն անձանց հասցեին, որոնք իր վերաբերյալ նման արտահայտություն են արել: Այդ կասկածնությամբ Մ.Ա.-ի եւ միջադեպին ներ-

մում, պատասխան հայտարարություններ հնչեցնելով, հարվածներ են հասցրել պաշտպան Մ.Ա.-ի դեմքի եւ մարմնի տարբեր հատվածներին՝ պատճառելով առողջության թեթեւ վնասի հատկանիշներ չպարունակող մարմնական վնասվածքներ: 2023 թվականի օգոստոսի 8-ին եւ օգոստոսի 9-ին դատախազը հանրային քրեական հետապնդումներ էր հարուցել քրեական վարույթով վկա Մ.Ե.-ի (2 դրվագ), Էրեբունու բաժնի պետի օպերատիվ գծով տեղակալ Ս.Ե.-ի եւ օպերիվագոր Վ.Պ.-ի նկատմամբ՝ Քրեական օրենսգրքի 195-րդ հոդվածի 2-րդ մասի 5-րդ կետով (մի խումբ անձանց կողմից ֆիզիկական ներգործությունը): Ծանուցում հանցագործության համար մեղադրվողը համարվում է անմեղ, քանի որ նրա մեղավորությունն ապացուցված չէ քրեական դատավարության օրենսգրքով սահմանված կարգով՝ դատարանի օրինական ուժի մեջ մտած դատավճռով:

ԿԱՐԵՎՈՐ

ՆԱԽԿԻՆ ՆԱԽԱՐԱՐԸ ԶԵԱ

Մշակույթի նախարար Հասմիկ Ստեփանի Պողոսյանին մեղադրանք է առաջարկվել: «Ժողովուրդ» օրաթերթը տեղեկեցավ, որ նա, 2012-2016 թվականներին զբաղեցնելով ՀՀ մշակույթի նախարարի պաշտոնը եւ հանդիսանալով պետության անունից իրավունք, պարտականություն կամ պատասխանատվություն առաջացնող գործառնություններ իրականացնող պաշտոնատար անձ, իր ծառայողական լիազորություններն ի վնաս է օգտագործել պետական շահերի:

կովսկու անվան միջնակարգ երաժշտական դպրոց» ՊՈԱ կազմակերպության անհատույց օգտագործման իրավունքով տրամադրված Երեւանի Կողբացի 36 հասցեում գտնվող հողամասից առանձնացված 300 քառակուսի մետր մակերեսով հողամասն առանց ՀՀ կառավարության 26.07.2012թ. N 1052-Ա որոշմամբ սահմանված պարտականությունների կատարման խարդախությամբ հափշտակելուն, որի արդյունքում Հայաստանի Հանրապետությունից հափշտակվել է առանձնապես խոշոր չափերի՝ 166.103.000 ՀՀ դրամ շուկայական արժեքով հողամասը:

ՉԵՐԲԱԿԱՎԵՑ ԶԻՆՎՈՐԻ ԳՈՐԾՈՎ

«Ժողովուրդ» օրաթերթին մանրամասներ են հայտնի դարձել ՀՀ ՊՆ Ն գործառնության գլխավոր Նարեկ Նազարյանի մահվան գործով: «Ժողովուրդ» օրաթերթին հասած տեղեկությունների համաձայն՝ զինվորի մահվան գործով ձեռքարկվել է

նույն զորամասի մեկ այլ զինծառայող: Իրավապահ համակարգից մեզ հասած լուրերի համաձայն՝ զինծառայողն է կրակել Նարեկ Նազարյանի վրա եւ իրավապահների ցուցմունք է տվել եւ հայտնել, որ պատահաբար է կրակել: Իսկ թե պատահաբար է եղել, թե դիտավորյալ, կարգի քննությունը:

Նշենք, որ հոկտեմբերի 9-ին կյանքի հետ անհամատեղելի հրազենային վնասվածքից մահացել է ՀՀ ՊՆ Ն գործառնության գլխավոր Նարեկ Արմենի Նազարյանը. հայտնել էր ՀՀ ՊՆ-ն:

Դեպքի հանգամանքներն ամբողջովին պարզելու նպատակով ընթանում է քննություն: Պաշտպանության նախարարությունը վշտակցում եւ զորակցություն է հայտնում զինծառայողի ընտանիքի անդամներին, հարազատներին եւ ծառայակից ընկերներին:

Նշենք, որ մահացած զինվորը Լոռու մարզի Գարգառ համայնքից էր: Տան միակ դորին էր, ուներ մեկ քույր: Նարեկ Նազարյանը ընդամենը 19 տարեկան էր եւ 7 ամսվա զինծառայող էր:

ՔՆՆՈՒՄԱՆՈՒԿՅԱՆ

ՈՒՇԱԳՐԱՎ

ՔՐԵԱԿԱՆ ՎԱՐՈՒՅԹ

«Արցախբանկ» Մարտունու մասնաճյուղից 60 միլիոն դրամ եւ 100 պարկ գրավադրված ոսկյա զարդեր գողանալու գործով նախաձեռնվել է քրեական վարույթ: «Ժողովուրդ» օրաթերթը այս մասին տեղեկանում է ԶԿ խոսնակ Գոռ Աբրահամյանի ֆեյսբուքյան էջից:

2023թ. հոկտեմբերի 6-ին ՀՀ ՆԳՆ ոստիկանությունից ՀՀ քննչական կոմիտեի ՀԿԳ քննության գլխավոր վարչությունում հաղորդում է ստացվել այն մասին, որ «Արցախբանկ» ՓԲԸ գլխամաս է ներկայացել Լեռնային Ղարաբաղի Մարտունու քաղաքի «Արցախբանկ» ՓԲԸ կառավարիչը եւ հայտնել, որ սեպտեմբերի 22-ին, տեղեկանալով Արցախի Հանրապետության Ժողովրդի տարիանման մասին, «Արցախբանկ» ՓԲԸ-ի Մարտունու մասնաճյուղի ամբողջ գումարը՝ մոտ 60.000.000 ՀՀ դրամը, եւ մոտ 100 պարկ գրավադրված ոսկյա զարդերը վերցրել եւ դրել է իր անձնական օգտագործման ավտոմեքենայի մեջ եւ գնացել տուն հաջորդ օրը ՀՀ մեկնելու նպատակով: Հաջորդ օրը՝ առավոտյան, նկատել է, որ անհայտ անձը կտորել է ավտոմեքենայի ապակին եւ սրահից գողացել է Նշված գումարը եւ ոսկյա զարդերը:

Հաղորդման հիման վրա հոկտեմբերի 9-ին ՀՀ քննչական կոմիտեի ՀԿԳ քննության գլխավոր վարչության մարզու դեմ ուղղված հանցագործությունների քննության վարչությունում, Հայաստանի Հանրապետության քրեական օրենսգրքի 254-րդ 3-րդ մասի 4-րդ կետի հատկանիշներով (առանձնապես խոշոր չափերով գողությունը), նախաձեռնվել է քրեական վարույթ: Կատարվում է նախաքննություն՝ հաղորդմամբ ներկայացված տեղեկությունները քրեական վարույթի շրջանակներում ստուգելու եւ հանգամանքները պարզելու նպատակով:

ՀԱՄԱՅՆՔԻ ՂԵԿԱՎԱՐԸ ՀՇՏԱԽՈՒԶՎՈՒՄ Է

Դատախազը հանրային քրեական հետապնդում է հարուցել Վայոց ձորի մարզի Սերս համայնքի նախկին ղեկավարի նկատմամբ: «Ժողովուրդ» օրաթերթի փոխանցմամբ՝ այս մասին հայտնում են Գլխավոր դատախազությունից:

«Տ.Ս.-ն, 2006 թվականի նոյեմբերի 9-ից մինչեւ 2016 թվականի հոկտեմբերի 8-ն ընկած ժամանակահատվածում զբաղեցնելով Վայոց ձորի մարզի Սերս համայնքի ղեկավարի պաշտոնը, 2010 թվականի հուլիսի 6-ին գյուղատնտեսական Նշանակության արտավայր հանդիսացող՝ 0,2 հա մակերեսով հողատարածքը տարեկան 3.000 դրամ վարձավճարով, 25 տարի ժամկետով տրամադրել է Արարատ քաղաքի բնակիչ Թ.Հ.-ին: Թ.Հ.-ն ալեհավաք կայան տեղադրելու նպատակով ենթավարձակալության պայմանագիր է կնքել «Օրանտ-Արմենիա» ՓԲԸ կապի օպերատորի հետ եւ մինչեւ Սերս համայնքի ղեկավար Տ.Ս.-ի պաշտոնավարման ավարտը կապի օպերատորից ստացել է 3 մլն 840 հազար դրամ շահույթ, որից Սերս համայնքի բյուջե վճարվել է ընդամենը 18 հազար դրամը: Դատախազը հանրային քրեական հետապնդում է հարուցել համայնքի նախկին ղեկավար Տ.Ս.-ի նկատմամբ՝ 18.04.2003 թվականին ընդունված Քրեական օրենսգրքի 308-րդ հոդվածի 2-րդ մասով (Պաշտոնեական լիազորությունները չարաշահելը, որն անագուշտությամբ առաջացրել է ծանր հետեւանքներ):

● Ըստ ոստիկանության տվյալների՝ հոկտեմբերի 9-ից 10-ը Հայաստանի Հանրապետությունում բացահայտվել է հանցագործության 79 դեպք, որոնցից 2-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՀԱՄԱՅՆՔԻ ԽԱՅՏԱՌԱԿ ՂԵԿԱՎԱՐՆԵՐԸ

Իջեան համայնքի Ներքին Ծաղկավան գյուղի բնակիչները «Ժողովուրդ» օրաթերթին բողոքել են, որ գյուղի շատ բնակիչներ Ն. Ծաղկավան համայնքի նախկին ղեկավար Իսկանդար Մեհրաբյանի պատճառով հայտնվել են պարտքերի տակ: Գյուղացիների խոսքերով՝ իրենք Ի. Մեհրաբյանի խնդրանքով վարկեր են վեցրել, գումարները տվել Ի. Մեհրաբյանին, սակայն նա չի մարել վարկը, իրենք են հայտնվել վարկերի տակ: Գյուղացիների վկայությամբ՝ վարչական ղեկավարը գյուղում շատերին գումարների պարտքեր ունի: Ծաղկավանցիներն ասացին, որ ցանկացել են վարչական ղեկավարի դեմ բողոքել Իջեան համայնքի ղեկավար Արթուր Ճաղարյանին, սակայն Մեհրաբյանն ասել է, որ Արթուրն իր ընկերն է, բողոքելն օգուտ չի տա: Այդ առթիվ տեղեկատվական հարցում ենք ուղարկել Իջեան համայնքի ղեկավար Արթուր Ճաղարյանին: Համայնքի ղեկավարի պատասխանում նշված է. «Ն. Ծաղկավան բնակավայրի վարչական ղեկավար Իսկանդար Մեհրաբյանի հետ գտնվում ենք աշխատանքային հարաբերությունների մեջ, նա իմ ընկերը չէ, Իսկանդար Մեհրաբյանի անձնական խնդիրներից տեղյակ չեմ, եւ դա համայնքի ղեկավարի իրավասությունների եւ պարտականությունների մեջ ներառված չէ»: 2021 թվականին գյուղի վարչական ղեկավար նշանակված Իսկանդար Մեհրաբյանը Ն. Ծաղկավանի բազում բնակիչների պարտքերի տակ է գցել, ինչ անձնական խնդիրներ, այդ վիճակը տարիներ շարունակ է, համայնքի ղեկավարը ինչո՞ւ տեղյակ չէ այդ մասին: Արթուր Ճաղարյանը գուցե տեղյակ չէ այն մասին, որ իր կողմից 2021 թվականին Իջեան համայնքի Լուսահովիտ բնակավայրի վարչական ղեկավար նշանակված, միջնակարգ կրթությամբ Գրիգոր Սարիառյանը անասնապահության համար 33 քրեական օրենսգրքի 177 հոդվածի 2-րդ մասի 2-րդ կետով («Գողությունը, որ կատարվել է խոշոր չափերով») 2016թ. մարտի 5-ին Տավուշի մարզի առաջին ատյանի դատարանի դատավոր Ռաֆիկ Մելքոնյանի վճռով դատապարտվել է 2 տարի ժամկետով ազատազրկման, իսկ ապօրինի ծառահատումներ կազմակերպելու համար Նույն դատավորի՝ Ռաֆիկ Մելքոնյանի 2020թ. դեկտեմբերի 11-ի վճռով դատապարտվել է 3 տարի ժամկետով ազատազրկման, սակայն դատավորը վճռել է պատիժը պայմանականորեն չլիքառել՝ սահմանելով 2 տարի ժամկետով փորձաշրջան:

ՔԱՆԴՎԱԾ ԳԱՐԱՎԱՆԳ

Դիլիջանի ոլորաններում բազմաթիվ տեղեր դարավանդը անօրինական ձեռով քանդել, առետորի, սննդի օբյեկտների համար տեղ են բացել: Այդ առթիվ հարցում ենք արել շրջակա միջավայրի նախարար Հակոբ Սիմոնյանին, նախարարությունից պատասխանել են, որ Դիլիջանի ոլորաններում դարավանդը քանդել են ոչ թե Դիլիջանի ազգային պարկի, այլ Դիլիջան համայնքին պատկանող տարածքներում: Դիլիջանի համայնքապետ Դավիթ Սարգսյանը, ոստիկանության Դիլիջանի բաժնից ցուցաբերել են անգործություն: **ՈՍԿԱՆ ՄԱՐԳԱՅԱՆ Տավուշ**

ՅԵՏԵՎԱՆՔՆԵՐ

ԵՐԵՒԱՆԵՐԸ՝ ՍԹԻԵՄԻ ՄԵՋ


«Ավելի քան 30,000 երեխաներ ստիպված են եղել փախչել իրենց սննդից երկու շաբաթ առաջ իրենց համայնքներում ռազմական գործողությունների դասճառով»: ՅՈՒՆԻՍԵՖ-ը նախագուցում է, որ առանց անհաղաղ աջակցության, նրանց հոգեկան առողջությունը կարող է վասթարանալ:

«Հայաստանում ապաստանած փախուտական երեխաների մոտ նկատվում են սուր հոգեբանական սթրեսի նշաններ»,- փաստում են ՅՈՒՆԻՍԵՖ-ի հետ աշխատող սոցիալական աշխատողները, որոնք հատուկ աջակցություն են ցուցաբերում վերջին շաբաթների ընթացքում իրենց տները լքած երեխաներին եւ նրանց ընտանիքներին:

Գործում ՅՈՒՆԻՍԵՖ-ի երկու ապահով անկյուններում աշխատող սոցիալական աշխատողները, որոնք օրական սպասարկում են մինչեւ 300 երեխայի, հայտնել են, որ նրանք անհանգստության, վախի եւ գայլոյթի զգացումներ ունեն, որոնք դրսևորվում են մղձավանջներով, գիշերափոխությամբ եւ անսովորական լացով: Որոշ երեխաներ մեկուսացել են բուրդից, դարձել են անհաղորդ, անկարող են արտահայտել զգացումները կամ ըմբռնել պատահածը:

Ավելի քան 30,000 հայ երեխա է Հայաստան ապաստանել՝ երկու շաբաթ առաջ իրենց համայնքներում սկսած ռազմական գործողություններից ի վեր: Ի լրումն տեղահանության՝ այս երեխաները շարունակաբար բաց են թողել դասերը եւ ապրել են վտանգավոր, ոչ ապահով միջավայրում, եւ ինչպես պատմում են ընտանիքները, նոր հարձակումների վախի պարբերական զգացումով:

«Մենք հիմա տեսնում ենք, թե որքան շատ են տուժել այս երեխաները: Տեղահանումները եւ ռազմական գործողությունները, որոնք զուգորդվել են զրկանքներով, մեծապես ազդել են նրանց ֆիզիկական եւ հոգեկան առողջության, ինչպես նաեւ հոգեբանական բարեկեցության վրա: Երեխաները տարիներ շարունակ կրելու են այս անասելի տխրեցնող իրա-



դարձությունների հետեւանքները, եթե շարունակական աջակցություն չստանան»,- նշել է Հայաստանում ՅՈՒՆԻՍԵՖ-ի ներկայացուցիչ Քրիսթինե Վայգանը:

«Հոգեկան առողջության համաշխարհային օրվա խորհրդով ՅՈՒՆԻՍԵՖ-ը կոչ է անում համապատասխան ներդրումներ կատարել հոգեկան առողջության եւ երեխաների հոգեբանական աջակցության ուղղությամբ՝ հենվելով առողջապահական, սոցիալական պաշտպանության եւ կրթական համակարգերի վրա: Սա հավասարապես կարելի է ոչ միայն վաղ հայտնաբերման եւ անհապաղ աջակցության տեսանկյունից, այլեւ երկարաժամկետ հեռանկարում, քանի որ ընտանիքները շարունակելու են բախվել կորստի զգացմանը եւ հետորակմանի սթրեսի հետ»:

ՅՈՒՆԻՍԵՖ-ն աշխատում է համայնքներում Հայաստանի կառավարության եւ այլ գործընկերների հետ՝ օգնելու փախուտական երեխաներին ստանալ անհրա-

ժեշտ խնամք եւ ծառայություններ՝ հաղթահարելու իրենց առջեւ ծառայած մարտահրավերները: ՅՈՒՆԻՍԵՖ-ը վերապատասխանում է առաջնագծում աշխատող մասնագետներին՝ հոգեբանական առաջին օգնություն եւ հոգեբանական աջակցություն ցուցաբերելու համար: Առողջապահության նախարարության հետ միասին ՅՈՒՆԻՍԵՖ-ը ձեռավորել է շարժական մանկաբուժական թիմեր, որոնք հնարավորություն կտան ամբողջ երկրում սկրինինգների միջոցով բացահայտել եւ արձագանքել հոգեկան առողջության կարիքներին:

ՅՈՒՆԻՍԵՖ-ը 12,6 միլիոն ԱՄՆ դոլարի հավաքագրման կոչ է անում՝ հետագա վեց ամիսների ընթացքում կարելի է ծառայությունների, այդ թվում՝ կրթական, երեխաների պաշտպանության, առողջապահական, սնուցման, ինչպես նաեւ սանիտարահիգիենիկ պայմանների ապահովման համար:

ԱՐՑԱԽԱՐԱՅՈՒԹՅՈՒՆ

ԵՐԶԱԲԵՐԱԿԱՆ՝ ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆՆԵՐԻՆ

Արցախից բռնի տեղահանված ուսանողների կրթության կազմակերպման նպատակով ԿԳՄՄ-ն հերթական քաղաքական գործունե է ուղարկել ուսումնարանների եւ ֆոլդերի սնուցման գրքեր:

Համաձայն շրջաբերականի՝ նախարարությունն այս ընթացքում ստացել է մի շարք հարցեր բռնի տեղահանված մեր հայրենակիցների կրթության շարունակության կազմակերպման դեպքում իրենց ուսումնառած եւ նախընտրած մասնագիտություններով առարկայական 8 տարբերությունների գերազանցման, ինչպես նաեւ ավագ դպրոց հաճախող կամ հիմնական կրթությունից հետո կրթությունից դուրս մնացած անձանց արհեստագործական ուսումնարան կամ քոլեջ ընդունվելու վերաբերյալ:

Հաշվի առնելով վերագրյալ՝ նախարարությունը ՄԿՈՒ հաստատությունների տնօրեններին տեղեկացրել է, որ անձի

ուսումնառած եւ նախընտրած մասնագիտություններով 8 առարկայական տարբերությունների գերազանցման դեպքում անհրաժեշտ է նախարարության համաձայնությունը ստանալուց հետո հրամանագրել ուսումնառած կուրսից՝ հնարավորության դեպքում կազմակերպելով առարկայական տարբերությունների հանձնումը, կամ անձի (անչափահաս լինելու դեպքում ծնողի) համաձայնությամբ վերականգնել այն կուրսից, որտեղ չի գերազանցի 8 առարկան (մոդուլը): Անձի կողմից հարակից մասնագիտությամբ ուսումը շարունակելու եւ նրա մոտ ակադեմիական տեղեկանք կամ ուսումնառության վերաբերյալ տեղեկատվություն չլինելու դեպքում առարկայական տարբերությունները պետք է հաշվել ՀՀ-ում գործող համապատասխան մասնագիտությունների պետական կրթական չափորոշիչների ուսումնական պլաններով:

Ավագ դպրոց հաճախած կամ հիմնական կրթությունից հետո կրթությունից

դուրս մնացած անձանց թույլատրվում է կրթությունը շարունակել նախնական մասնագիտական (արհեստագործական) կամ միջին մասնագիտական կրթական ծրագրով՝ վճարովի համակարգում, սակայն այդ դեպքում պետության կողմից ուսման վարձի փոխհատուցում հետագայում չի նախատեսվում:

Ուսանողական իրավունքի վերականգնման մերժման հիմք չի կարող հանդիսանալ անհրաժեշտ փաստաթղթերի բացակայությունը: Ուսանողի դիմումն ընդունելուց հետո անհրաժեշտ է նրան թույլատրել մասնակցելու ուսումնական գործընթացին եւ հնարավորինս սեղմ ժամկետում դիմել նախարարություն՝ վերականգնման համաձայնություն ստանալու համար:

ԼՂ-ում ընդհատված կրթության իրավունքի վերականգնման դեպքում պետական քոլեջներում եւ ուսումնարաններում կրթության կազմակերպման նպատակով նախատեսվում է պետության կողմից ուսման վարձի փոխհատուցում:

● Անցած 1 օրվա ընթացքում Հայաստանի Հանրապետությունում արձանագրվել է 7 ՃՏՊ. 13 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՖԻՆԱՆՍՆԵՐ

ԳՆԱՃԻ ԵՎ ԱԶՈՒՄ

Արժույթի միջազգային հիմնադրամը (ԱՄՀ) ակնկալում է, որ համաշխարհային գնաճը կնվազի՝ 2022 թվականի 8,7 % առավելակետից 2023 թվականին հասնելով մինչև 6,9 %-ի, իսկ 2024 թվականին՝ 5,8 %-ի: «Ժողովուրդ» օրաթերթի փոխանցմամբ՝ այս մասին հաղորդում է ՏԱՍՍ գործակալությունը՝ վկայակոչելով համաշխարհային տնտեսության զարգացման հեռանկարների մասին ԱՄՀ գեկույցը:

Ինչպես նշում են գեկույցի հեղինակները, 2024 թվականի համար սպառողական գների աճի կանխատեսումը «վերանայվել է 0,6 տոկոսային կետով դեպի բարձրացումը, ինչն արտացոլում է սպասվածից բարձր հիմնական գնաճը»:

Արժույթի միջազգային հիմնադրամը միեւնույն ժամանակ փոքր-ինչ վատթարացրել է 2024 թվականին համաշխարհային տնտեսության աճի տեմպերի կանխատեսումը:

Սպասվում է, որ 2023 թվականին համաշխարհային ՀՆԱ-ի աճը կկազմի 3 %, իսկ հաջորդ տարի՝ 2,9 %:

ՏԱՐԱԳՐԱՄԻ ԱՐԺՈՒՅԹԸ

ԱՄՆ դոլարի փոխարժեքը երեկ՝ հոկտեմբերի 10-ին, կազմել է 397.52 դրամ. նախորդ օրվա համեմատ նվազել է 6.58 դրամով: Այդ մասին «Ժողովուրդ» օրաթերթը տեղեկանում է Կենտրոնական բանկի պաշտոնական կայքից:

Եվրոյի փոխարժեքը կազմել է 420.93 դրամ (նվազել է 4.51 դրամով):

Բրիտանական ֆունտի փոխարժեքը կազմել է 487.12 դրամ (նվազել է 4.67 դրամով), իսկ ռուսական ռուբլու փոխարժեքը կազմել է 3.99 դրամ (մնացել է անփոփոխ):

Հայաստանյան բանկերում դոլարը գնվում է 388-390 դրամով, վաճառվում է 397-400 դրամով:

Եվրոն բանկերում գնվում է 406-411 դրամով, վաճառվում է 420-429 դրամով:

Ռուբլին բանկերում գնվում է 3.64-3.91 դրամով, վաճառվում է 4.99-4.20 դրամով:

Փոխանակման կետերում իրավիճակը հետևյալն է.

- դոլարը գնվում է 392 դրամով, վաճառվում՝ 397-398 դրամով,
- եվրոն գնվում է 412-415 դրամով, վաճառվում է 422-423 դրամով,
- ռուբլին գնվում է 3.85 դրամով, վաճառվում է 3.98-4.00 դրամով:

Հիշեցնենք, որ օրեր առաջ «Ժողովուրդ» օրաթերթը կապ էր հաստատել Կենտրոնական բանկի հետ՝ հասկանալու համար թե ինչի հետ է կապված այս երեւույթը: Ինչո՞ւ է դրամն արժեզրկվում, իսկ եվրոյի, ռուբլու ու դոլարի արժեքը բարձրանում է:

Կենտրոնական բանկից տեղեկացրին, որ Հայաստանի Հանրապետությունում գործում է արտարժույթի փոխարժեքի ազատ լողացող ռեժիմ, եւ, հետեւաբար, փոխարժեքի փոփոխությունները պայմանավորված են արտարժույթի շուկայում առաջարկի եւ պահանջարկի փոփոխություններով:

ՓՈՓՈԽՈՒԹՅՈՒՆ

ԵՐԿՓՈՒԼԱՅԻՆ ՀԱՍՏԱՏՈՒՄ Wildberries-ՈՒՄ

Wildberries առցանց առևտրի շուկայի նախատեսում է գործարկել դասվերի լրացուցիչ հաստատման սարքերակ, որոնցով հնարավոր լինի խուսափել դասահարար դասվեր անելուց, ընդ որում այդ սարքերակները կլինեն մի քանիսը. «Ժողովուրդ» օրաթերթին հաղորդում է ընկերության մամուլի ծառայությունը:

«Օնլայն հարթակը մշակում է հավելվածում պատվերի լրացուցիչ հաստատման գործառույթ, որպեսզի նվազագույնի հասցնի այլ սարքերի, ընտանիքի անդամների կամ երրորդ անձանց կողմից պատահական պատվերների հնարավորությունը», - ասվում է Wildberries-ի տարածած հաղորդագրությունում:

Նոր ֆունկցիան նախատեսվում է գործարկել մեկ ամսվա ընթացքում: Այն հնարավոր կլինի միացնել՝ ըստ ցանկության: Որպես պատվերի լրացուցիչ հաստատման տարբերակ՝ կարող է լինել Pin կոդը, ինչպես նաեւ Touch ID եւ Face ID տեխնոլոգիաները եւ դրանց անալոգները Android-ում:

Ընկերությունը պարզաբանել է, որ պատվերի լրացուցիչ հաստատման ֆունկցիան ավելացնելու որոշումը կայացվել է այն բանից հետո, երբ վերջերս օգտատերերից մեկի երեխան պատահաբար պատվեր էր կատարել:

«Երեխան մոր հավելվածում 250,000 ռուբլու պատվեր էր կատարել: Wildberries-ը, հիմնվելով օգտատերերի վարքագծի վերլուծության վրա, եկել էր այն եզրակացության, որ նրա վերջին պատվերն իսկապես կարող էր կատարված լինել երեխայի կողմից», - բացատրել է ընկերությունը:

2022-ի մայիսին Wildberries-ը որոշ օգտատերերի տեղեկացրել է, որ 100 ռուբլի կզանձի յուրաքանչյուր պատվիրված ապրանքի համար, որից սպառողն ի վերջո կհրաժարվի: Ընկերության գլխավոր տնօրեն Տատյանա Բակալչուկը պարզաբանել էր, որ վերադարձը վճարովի դարձնելն անհրաժեշտ է, որպեսզի պայքարեն



գնումներ անելու թուլություն ունեցողների, այլ ոչ թե սովորական հաճախորդների հետ:

2023-ի ապրիլին Ռոսպոտրեբնադզորի Մոսկվայի մարզային վարչության բողոքի հիման վրա՝ դատարանն անօրինական ճանաչեց թերություն ունեցող ապրանքների վերադարձի համար գնորդներից հավելյալ գումար գանձելու պրակտիկան:

Դատարանը վճռել էր, որ թեթ սպառողը Wildberries-ում գնված ապրանքում թերություններ է հայտնաբերում, որոնք չեն հայտարարագրվել վաճառողի կողմից, նա իրավունք ունի պահանջել, որպես դրանք վերացվեն, տվյալ ապրանքը փոխարինվի նույն ապրանքանիշի արտադրանքով, փոխհատուցվեն կորուստները: Սպառողն իրավունք ունի նաեւ հրաժարվել գնումից եւ պահանջել, որպեսզի վերադարձվի ապրանքի համար վճարված գումարը: Ընկերության ներկայացուցիչներն այդ ժամանակ հայտարարել էին, որ դատարանը լիովին չի հասկանում ընկերության քաղաքականությունը, եւ որ թերի ապրանքների վերադարձը «հաճախորդների համար եղել է մնում է անվճար»:

Հիշեցնենք, որ «Ժողովուրդ» օրաթերթը գրել էր, որ Wildberries-ից էժան գնումների սիրահարներին տհաճ անակնկալ է սպասվում:

Ավելի ուշ տնտեսվարողները բողոքի ակցիա էին իրականացրել Կառավարության դիմաց եւ պահանջել ՊԵԿ-ին հնարավորինս արգելել Wildberries-ից էժան պատվիրված ապրանքների վաճառքը, որոնք լուրջ խնդիրներ են առաջ բերում:

Այս ամենին արձագանքել էր Wildberries-ը: Հաղորդագրությունում, մասնավորապես, նշվում է. «Wildberries-ն ուղղել է տեխնիկական սխալը, որի պատճառով ապրանքների կատալոգի մի մասը Հայաստանում վաճառվել է ավելի ցածր գնով: Սխալը շտկվել է կայքում եւ ամենատարածված բջջային օպերացիոն համակարգերում: Աշխատանքները կավարտվեն մոտ ապագայում:

Ընկերության համար կարեւոր է տեղական բիզնեսի կարծիքը, եւ մեր ռազմավարության մեջ մենք միշտ ձգտում ենք հաշվի առնել տեղական համայնքների ցանկությունները եւ բարելավել մեր բիզնես գործընթացները՝ նրանց շահերին համապատասխան»:

ՏԵՂԵԿԱՑՐԻՆ

ԳՈՒՅՔԱՐԱՐԿԻ ՏԵՂԵԿԱՆՔ

«Ժողովուրդ» օրաթերթին Ստեփանակերտի քաղաքապետարանից տեղեկացնում են, որ Ստեփանակերտում հաշվառված փոխադրամիջոցների սեփականատերերը գույքահարկի պարտավորություններ չունենալու վերաբերյալ տեղեկանք կարող են ստանալ աշխատանքային օրերին:

ԼՂ տեղեկատվական շտաբի ֆեյսբուքյան էջում հրապարակվել է Ստեփանակերտի քաղաքապետարանի հայտարարությունը:

«Հարգելի՛ հայրենակիցներ, Ստեփանակերտ քաղաքում հաշվառված փոխադրամիջոցների սեփականատերերը գույքահարկի պարտավորություններ չունենալու վերաբերյալ տեղեկանքներ կարող են ստանալ աշխատանքային օրերին՝ ժամը 10:00-13:00-ին, հետևյալ հասցեում՝ ք. Երեւան, Աբովյան 9, 3-րդ հարկ, N310 սենյակ:

Հեռ.՝ 012-37-77-65:

Ծանոթություն. վերոնշյալ տեղեկանքները տրվում են տրանսպորտային միջոց

ի օտարման կամ տեխնիկական գնություն անցկացնելու համար», - նշված է հատարարության մեջ:

ԽՈՐՀՐԳԱՆՑՈՒԹՅՈՒՆ՝ ՄԱՐԶՊԵՏԱՐԱՆՈՒՄ

«Ժողովուրդ» օրաթերթի տեղեկություններով՝ Հայաստանի Հանրապետության ՏԿԵ նախարար Գնել Սանոսյանը խորհրդակցություն է անցկացրել Տավուշի մարզպետարանում:

Նախարարը շնորհակալություն է հայտնել բռնի տեղահանվածներին կացարանով եւ առաջին անհրաժեշտության այլ պարագաներով ապահովելու գործընթացում այս օրերին կատարած աշխատանքի համար:

Նախարարը հանձնարարել է գույքագրել մարզում առկա ազատ բնակարանները, տները, որպեսզի հնարավոր լինի բռնի տեղահանվածներին հյուրանոցներից, հյուրատներից տեղափոխել մշտական բնակության վայրեր:

Նախարարը հանձնարարել է առանձնահատուկ ուշադրություն դարձնել դպ

րոցահասակ երեխաների հաշվառմանը, որպեսզի երեխաների կրթության իրավունքը չտուժի, եւ նրանք դուրս չմնան կրթական գործընթացից:

Նախարարը հանձնարարել է առանձնացնել հատուկ կարիք, առողջական խնդիրներ ունեցող անձանց, հետեւել, որպեսզի այդ մարդիկ պատշաճ բուժ-պասարկում անցնեն:

Նախարարը հանձնարարել է անհրաժեշտության դեպքում ներգրավել նաեւ կամավորների, իսկ բռնի տեղահանվածներին այցելելիս նրանց իրազեկել Կառավարության կողմից իրականացվող աջակցության ծրագրերի մասին:

Մարզպետը նախարարին գեկույցել է մարզում կատարված աշխատանքները, տեղեկացրել է, որ մարզում տեղակայվածների մեծ մասը ցանկություն է հայտնել մնալ մարզում, եւ արդեն իսկ սկսել են աշխատանքի տեղավորվել:

Մարզպետը տեղեկացրել է, որ հանձնարարել է գույքագրել մարզում առկա ազատ բնակարաններն ու տները:

Տավուշի մարզում այս պահին տեղակայվել է 3388 բռնի տեղահանված, որոնցից 899-ը՝ հյուրանոցներում:

● «Ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԿԱՐԾԻՔ

ՀԱՐՑԱԶՐՈՒՅՑ

ԻՆՉՊԵՍ ԵՆ ԹԱՐԳՄԱՆՎՈՒՄ ԳՐԱՄԱՆԵՐԸ


«ARMFilm» կայքը հայաստանում առաջին օնլայն հարթակն է, որը ներկայացնում է ոչ միայն մեծապայծառ, ուսուցողական, սենսացիոն եւ համեղ ուսեսնեք դասրաստելու մասին հե-սաբրբիւր նյութեր, այլ նաեւ ֆիլմեր ոչ միայն հայկական, այլեւ արսասահա-մանկան, հիմնականում կորեական:

Իսկ թե ինչպես ծնվեց այս կայքը եւ ինչ նախապատմություն ունի, «Ժողովուրդ» օրաթերթին պատմեց կայքի հնչյունավորող Տարեւ Սիրունյանը:

«2015 թվականին աշխարհի տարբեր երկրներից մի խումբ հայեր որոշեցին բացել կայքը, որի գլխավոր նպատակը հայալեզու կոնտենտը մեկ կայքում հավաքելն էր: Իմ սիրելի գործընկեր Գագիկ Մեիրաբյանի շնորհիվ իմացա կայքի հայտարարության մասին, կարծեմ, Քոմիդի ժամանակ էր, միացա իրենց թիմին ու չէի էլ մտածում, որ ուղղակի սիրողական թարգմանություններ անելը կդառնա իմ մշտական ու սիրելի աշխատանքը:

«Ժողովուրդ» օրաթերթը փորձեց հասկանալ, թե ինչպես ծնունդ տվեցին այն մտքին, որ պետք է ֆիլմեր թարգմանել, այն էլ՝ կորեական, ինչ վախեր եւ ռիսկեր կար այս գործում: «Ցավալի էր տեսնել, որ տարբեր լեզուներով սիրողական թարգմանությունները այդքան հետաքրքրում էին հայերին, սակայն մենք չունեինք մեր մայրենի՝ հայերեն լեզվով սիրողական թարգմանությամբ զբաղվող կազմակերպություններ կամ կայքեր: Այս պահին մեր նպատակն է հայալեզու սիրողական կրկնօրինակումը դարձնել այնքան սիրված, որ այլ լեզուներով դիտելու ցանկություն պարզապես չառաջանա մարդկանց մոտ: Վախեր չեն եղել երբեք, բայց միշտ գիտակցել ենք՝ դժվար ճանապարհ է, պետք է սկսել գրոյից: Փառք Աստծո, տարբեր դժվարությունների միջոցով անցնելով՝ արդեն ունենք լավ արդյունքներ, իսկ ձեռք բերած մակարդակը շատ բարձր է համարվում սիրողական գործունեության համար», - նշեց նա:

Մասնագիտական ուղղվածությունը Տարեւին ավելի շատ օգնում է իր գործը արդյունավետ անել: «2 բուհ եմ ավարտել: Առաջին մասնագիտությամբ մշակութա-



բան եմ, իսկ որպես մագիստրոս՝ լրագրող, հաղորդավար: Կրկնօրինակման գործում ինձ շատ են օգնել լրագրողական հմտությունները, խոսքի վարպետությանը ծանոթ լինելը եւ մանկական իմ ամենակիրակական երազանքը՝ դերասանուհի դառնալը: Տարբեր թատերական խմբակներ հաճախելու շնորհիվ՝ ունեմ բազային գիտելիքներ, որոնք իմ նոր գործում ինձ համար դարձան մեծ խթան, եւ թող պարտե-տիկ չինչի, բայց աշխատանքում հաջողե-լու իմ ամենակարեւոր գործոնը մեծ սերն է դեպի ուղիորդ. ես հաճույք եմ ստանում իմ աշխատանքից», - նշել է նա:

ՀՀ վաստակավոր արտիստ, դերասան Բաբկեն Չոբանյանը հարցազրույցներից մեկի ժամանակ (հստակ չէր նշել ոչ ոքի) ասել էր, որ ավելի լավ է չանել ոչ մի կրկնօրինակում, անելիս էլ պետք է շատ որակով անել, եւ դերասանի այդ տեսա-կետին Տարեւը տեսանյութով արձագանքել էր. խոսեցինք նաեւ այդ թեմայի շուրջ:

«Նախ՝ նշեմ որ շատ մեծագույն հարգանքով ու սիրով եմ մոտենում պարոն Չոբանյանի մասնագիտական վարպետությանը, բայց ինչպես նշեցիք, նա հարցազրույցներից մեկում խոսել էր կրկնօրինակողների մասին, «նկուղային հնչյունավորման» մասին՝ անուններ չտալով: Այո, բայց ուղիորդում միայն մենք ենք, ուստի ինձ իրավունք էի վերապահել հանրային կերպով հարց տալ, բայց ես չստացա պատասխան, թե ինչու պետք է կրկնօրինակմամբ զբաղվեն միայն բացառապես դերասանները (դա իր պնդումն էր), երբ, օրինակ, ռուսերեն կրկնօրինակում անում են գործը սիրող ու գեղեցիկ ձայն ունեցող մարդիկ, ովքեր արդեն պրոֆեսիոնալ կրկնօրինակման դերասաններ են, օրինակ՝ Պյոտր Գլանցը, Ելենա Սոլովյովան ու շատերը, որոնք զարգացրել են ուղիորդ ու մասնագիտությամբ դերասան չեն. հարց է առաջանում ինչու ոչ մենք: Մի քիչ էզոցենտրիկ են հնչում մեր ավագ սերնդի պնդումները՝ ըստ իս», - հավելեց նա:

ՕՏԵԼՅԱ ՀՈԿՅԱՆՆԻՍՅԱՆ

ՍՊՈՐՏ

ԱՆՀԱՋՈՂ ՄԵԿԵԱՐԿ



Հայ բռնցքամարտիկներն անհաջող են մեկնարկել Չեռնոգորիայի Բուդվա քաղաքում ընթացող Եվրոպայի գավաթի խաղարկությունում:

Հայաստանի ներկայացուցիչներից առաջինը պայքարի մեջ են մտել Արթուր Ղազարյանը (60կգ), Նարեկ Հովհաննիսյանն (63,5 կգ) ու Զավեն Գալստյանը (71 կգ), որոնք պարտվել են ու ավարտել ելույթները:

Ավելի ուշ շինգ դուրս եկան Բարեղամ Հարությունյանը (48 կգ), Գուրգեն Մադոյանը (67 կգ), Համբարձում Հակոբյանը (80 կգ), Ռաֆայել Հովհաննիսյանը (86 կգ) եւ Դավիթ Չալոյանը (+92 կգ):

ԱՌԱՋԻՆ ՄԱՐԶՈՒՄԸ

Հայաստանի ֆուտբոլի ազգային թիմի նորեկ Էդգար Սեփիլյանն առաջին մարզում է անցկացրել թիմի հետ:

«Ժողովուրդ» օրաթերթի հաղորդմամբ՝ այս մասին գրում է ՀՖՖ-ն:

Հայաստանի ազգային հավաքականն անցկացրեց հերթական մարզումը ՀՖՖ տեխնիկական կենտրոն/ֆուտբոլի ակադեմիայում: Մարզմանը մասնակցեցին 20 ֆուտբոլիստներ:

Նախօրեին հավաքականի հետ առաջին մարզումն անցկացրին Էդուարդ Սպերցյանը, Գեորգի Հարությունյանը, Վահան Բիչախչյանը, Տիգրան Բարսեղյանը, Ստյոպա Մկրտչյանը եւ թիմի նորեկ Էդգար Սեփիլյանը:

Հոկտեմբերի 10-ին թիմը մեկնել է Ռիգա, որտեղ հոկտեմբերի 12-ին ուժերը կցափի Լատվիայի ընտրանու հետ: Հոկտեմբերի 14-ին մեր թիմը կմեկնի Հյուսիսային Մակեդոնիա: Հոկտեմբերի 17-ին մակեդոնական Ստրումիցա քաղաքի «Բլազոյ Իստատով» մարզադաշտում երկու թիմերն ընկերական հադիպում կանցկացնեն:

ԿԵՐԿԱՐԱԶԳԻ՞ ՊԱՅՄԱՆԱԳԻՐԸ

Պորտուգալիայի հավաքականի 38-ամյա հարձակվող Կրիշտիանու Ռոնալդուն ցանկանում է երկարաձգել պայմանագիր Սաուդյան Արաբիայի «Ալ Նասրի» հետ մինչև 2027 թվական:

Ռոնալդուն ցանկանում է մասնակցել 2026թ. աշխարհի առաջնությանը եւ մեկ տարի անց ավարտել պրոֆեսիոնալ կարիերան:

Ռոնալդուն այս տարվա հունվարին է տեղափոխվել Սաուդյան Արաբիա: Նրա պայմանագիրը «Ալ Նասրի» հետ նախատեսված է մինչև 2025 թվականը:

Ընթացիկ մրցաշրջանում Ռոնալդուն «Ալ Նասրի» հետ մասնակցել է 11 հանդիպման, խփել է 11 գոլ, կատարել 6 գոլային փոխանցում:

ՄԱՐԿՈՍ ՂԱԶԱՐՅԱՆ

ՀԵՏԱԵՐԵՐ

ԳՈՐԾՈՒՆԵՈՒԹՅՈՒՆԸ ՎԵՐՄԿՍՈՒՄ Է

Գերասան, ռուսներն Ռաֆայել Երանոսյանը ֆեյբուքյան եւ ինստագրամյան իր էջերում տեսական դադարից հետո հրադարակել է անձնական լուսանկար կից գրելով. «Նայելով օր օրի չարացող աշխարհին՝ հասկանում եմ, որ չարի դեմ դայաբոլի մի ձև կա՝ բարությունը բարին հայրենակցի հանդեպ, հարազատի, ընկերոջ, անձանոթի, դարգադես մարդու: Աշխարհին մանկան մաքրություն ու մարդկային բարություն է դեմք»:

Նշենք, որ Ռաֆայել Երանոսյանը վերջին շրջանում չէր արկել էր իր շրջապայությունը Հայաստանի տարբեր քաղաքներում պայմանավորված Արցախի ու արցախահայության հետ կապված վերջին դեպքերով, երեկ էլ հայտարարեց՝ ովքեր գնել են տոմսեր, վերադարձնեն, քանի որ դեռ չի կարող ասել՝ իրավիճակով պայմա-

նավորված՝ ինչքան ժամանակով կհետաձգվեն ներկայացումները: Գերասանն իր հանդիսատեսից ներողություն է խնդրել պատճառված անհարմարության համար:

Հավելենք նաեւ, որ Ռաֆայել Երանոսյանը իր կամավորական թիմի հետ միասին հիմք էր դրել Սոնոկոկ.AM խաղող նախաձեռնությանը, որի նպատակն էր Բերձորի՝ Լաչինի միջանցքի բացումը: Կամավորական այս թիմը նաեւ արցախից եկած մեր հայրենակիցներին առաջարկում էին աշխատանքի, կրթության եւ այլ հնարավորություններ:

Հիշեցնենք նաեւ, որ շուրջ մեկ շաբաթ առաջ Ռաֆայել Երանոսյանը ինստագրամյան իր էջում գրել էր, որ բոլորս էլ պետք է վերականգնենք մեր գործունեությունը. «Սիրելի՛ հայրենակիցներ, բնակա-նաբար, բոլորս էլ հասկանում ենք, որ այս բարդ պայմաններում մենք ուշ պետք է

վերսկսենք մեր աշխատանքային գործունեությունը: Հաճախ մեր աշխատանքը՝ ստեղծագործական, հումորային, շատ ավելի ակնառու է դառնում ճգնաժամային պայմաններում եւ իրականում շատ ավելի բարդ հենց մեզ համար, քանի որ մեր մտքերն ու նպատակները ուղիղ կապված են երկրում տիրող իրավիճակի հետ: Այս պահին հենց աշխատանքով է, որ պիտի փորձենք մեր առջեւ դրված նպատակները իրականացնել, կարողանալ հնարավորինս օգնել Արցախից բռնի տեղահանված մեր հայրենակիցներին, օգնել ապրել նաեւ մեզ ու մեր ընտանիքներին, փորձել ուղղել այսքան կորացած մեր մեջքը: Մենք հայ ենք, մեր հայրենիքում ենք ու միահամուռ կերպով փորձելու ենք մեր աշխատանքով ու հայրենիքին նվիրվածությամբ հաղթահարել այս ծանր ժամանակները: Ի գործ»:

ՄԱՐԿՈՍ ՂԱԶԱՐՅԱՆ

● Հոկտեմբերի 12-ին Երեւանի Հ. Ղափլանյանի անվան դրամատիկական թատրոնում տեղի կունենա «Չառ» ներկայացումը: Տոմսերի արժեքը՝ 2000-5000 դրամ: Սկիզբը՝ ժամը 19:00-ին:



ԾԱՆՈՒՑՈՒՄՆԵՐ

ՀԱՐՑ. Ի՞նչ կարող են անել, որդեսզի ավելի օդերաւիվ կերողվ սսանամ ծանուցումները, սեղեկանամ կիրառված արգելանքների, վարույթների կարճման մասին:

Վազգեն Մանաթյան (39 տարեկան)



ՊԱՏԱՍԽԱՆ. Քաղաքացին իր վերաբերյալ հարուցված կատարողական վարույթներին, կիրառված բոլոր արգելանքներին կարող է ծանոթանալ՝ գրանցվելով կայքի «Անձնական գրասենյակ» հարթակում մուտքագրելով համապատասխան տվյալները:

Հարթակի միջոցով պարտապան ֆիզիկական անձինք կարող են տեսնել կատարողական վարույթներին առնչվող թարմացումները, տեղեկություն ստանալ ծառայությունում իրենց վերաբերյալ հարուցված կատարողական վարույթների, կիրառված բոլոր արգելանքների, կատարողական վարույթի ընթացքի, կարճման վերաբերյալ, դիտել և ներբեռնել 2021 թվականի հունվարի 1-ից հետո հարուցված կատարողական վարույթների շրջանակում կայացված որոշումները, ծանոթանալ կատարողական վարույթի հարուցման հիմք հանդիսացած վարչական ակտերին և վարչական մարմնի կողմից այդ ակտերի մասին հասցեատիրոջն իրազեկելուն:

Հարկադիր կատարումն ապահովող ծառայություն

«ԺՈՂՎՈՒՐԳ». Հարթակի միջոցով պարտապան ֆիզիկական անձինք կարող են տեսնել նաև ակտը հանձնելը կամ այլ կերպ պատշաճ ծանուցելը հավաստող ապացույցներին, կատարել վճարումներ միաժամանակ մի քանի կատարողական վարույթով, հետևել ապաստարանի գործընթացին:

էջը՝ ՄԱՐԻԱՍ ՂԱԶԱՐՅԱՆԻ

ՓԱՍՏԱԹՂԹԵՐ

ՀԱՐՑ. Ի՞նչ փաստաթղթեր դեւս է ներկայացվեն գիտական գործուղման համար ֆինանսական աջակցություն սսանալու նդասակով:

Նարեկ Մնացականյան (39 տարեկան)



ՊԱՏԱՍԽԱՆ. Կազմակերպության ղեկավարը ֆինանսական աջակցություն ստանալու նպատակով գրավոր դիմում է ՀՀ գիտության կոմիտե՝ ներկայացնելով գիտական միջոցառման կազմակերպչի հրավերը կամ զեկույցն ընդունելու մասին ծանուցումը, գիտական գործուղման համար ֆինանսական աջակցության տրամադրման մրցույթի հայտը և գործուղվող գիտաշխատողի գիտական արդյունավետության բնութագիրը (վերջին 3 տարիների ընթացքում հայտատուի գիտական հրապարակումների (մինչև տասը) և գիտական միջոցառումներում հրավիրված կամ բանավոր զեկույցների (մինչև հինգ) ցանկերը):

Բարձրագույն կրթության և գիտության կոմիտե

«ԺՈՂՎՈՒՐԳ». Ուղումելի է նաև կոմիտեի մրցույթների հայտերի և հաշվետվությունների ընդունման առցանց համակարգում (<https://grants.scs.am>) գրանցված գործուղվող գիտաշխատողի անհատական (տասներկու նիշանոց) կոդը ներկայացնելը:

ԼՈՒՐ ԿԱԴՐ

Լուսանկարն արվել է Երեւանում



Երեկ՝ հոկտեմբերի 10-ին, տեղի ունեցավ քաղաքացիական ընտրության հարցով Երեւանի նորընտիր ավագանու առաջին նիստը: Երեւանի ավագանու առաջին նիստին ներկա էին ավագանու 37 անդամ: Նշենք, որ «Հանրային ծայն» կուսակցության անդամները նիստին եկել էին կալանքի տակ գտնվող իրենց անդամների շապիկներով:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայկիստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (**010 54-64-23** հեռախոսահամարով), և մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը և ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	- 2 + 2 +10 + 16	Արարատ	+ 8 + 10 +19 + 22
Կոտայքի լեռներ	+ 1 + 4 +10 + 13	Արմավիր	+ 6 + 8 +18 + 20
Կոտայքի նախալեռներ	+ 6 + 8 +15 + 17	Վայոց ձորի լեռներ	+ 2 + 4 +10 + 12
Գեղարքունիք	+ 2 + 3 +10 + 14	Վայոց ձորի նախալեռներ	+ 6 + 10 +18 + 21
Լոռի	+ 0 + 5 + 9 + 13	Սյունիքի հովիտներ	+ 9 + 12 +18 + 22
Տավուշ	+ 3 + 7 +12 + 15	Սյունիքի նախալեռներ	+ 4 + 8 +11 + 13
Արագածոտնի լեռներ	+ 1 + 3 + 9 + 11	ԼՂՀ	+ 9 + 12 +19 + 24
Արագածոտնի նախալեռներ	+ 6 + 9 +15 + 19	Երեւան	+ 9 + 11 +18 + 22

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 10.10.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում խմբագրություն հանձնված նյութերը չեն գրայնստվում և չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: